

程

樵水先生傳

黃清老字子肅邵武人黃五經之後天性穎悟五歲日記數千言七歲學屬文少長從鄉先生講學經書之旨無不通貫泰定三年浙江鄉舉第一明年登李輔榜進士授翰林典籍尋陞簡閱又遷應奉翰林同知制誥國史院編修英宗明宗實錄轉湖廣儒學提舉一時名公鉅卿多遣子弟踵門受業四方之士有不遠千里而至者率多成就爲文典雅詩有唐風平生多所著

歷代詩選 片
述學者稱爲樵水先生有春秋經旨四書一貫
樵水集

樵水先生傳

終

石倉十二代詩選

元詩卷之二十三

樵川集

元邵武黃清老著

福山菴

明三山曹學佺閱

晨光海上來雲氣升萬壑雞鳴落花中殘鐘度
城郭庵僧戴星出我自飯藜藿寧知天地心但
有山水樂書燈夜搖動霧氣侵几閣開扉得新
月欲掩見栖雀煙霞暫相違筆硯庶有托但留
松間雪付與雙白鶴庭柯換故葉林竹脫新籜

何日芝草開拏舟赴前約

古詩送王君冕歸陝西

麥熟天乍熱開軒理瑤琴
茲辰有客至一徑蒼苔深
日出樹影倒曠坐分綠陰
清談落餘花松風雜幽禽
君子希道德永言結同心

其二

狂風捲茅屋遙見溪上山
人生有遇合離別何足歎
黃鵠將西歸臨水振羽翰
我有雙明珠置之青雲端
朔筵復暮暮照君千里還

其三

少年處山谷壯歲遊京師
性本猿鶴羣焉能牛馬馳
曩有採薪憂掛冠願爲醫
近得聖賢對讀書甘如飴
習貫已成癖豈無君子知

其四

十載宦京輦田園就荒蕪
茲焉得歸耕休馬南山隅
舉酒樹色動鶯燕鳴相呼
流水旣悅君白雲亦邀余
錦囊可贈還愧非明月珠

燕中懷古呈貢侍御

娉婷二八女絕色妙難畫
新粧薄鉛華照影倚
竹下盛年事夫婿錦玉耀
精舍雖非伯鸞妻倦
繡惜春夜琴餘月當軒
默默倚風榭寄語東家
兒紅粧莫輕嫁

送李子威代祀嵩衡淮海二首

羣生望甘澤五岳雲氣通天香
落巖谷瑞靄春
冥濛海潮天際來金碧森萬峰
劃落紫翠堆
亭玉芙蓉古廟絲竹存迎神奏
黃鐘空山遞
響落花舞青童

南山其二

南海祝融宅汪洋載神州
巨浸含萬有元氣何
空浮蒼蒼島嶼間彷彿通十洲
神魚在深淵甘
霖何以求朝折若木枝夕飲桐栢流
萬里竟探
討豈徒司馬遊
古樂府
君好錦繡段妾好明月珠
錦繡可爲服服美令人
愚不如珠夜光可以照讀書

其二

君好春芍藥妾好夏池蓮芍藥多豔色春風迷
少年不如蓮有實可以壽君筵

尋故人

適興一尋君君家在白雲寒花秋後見落葉夜
深聞隨意坐苔石呼童煮澗芹不須談世事詩
思正紛紛

登平遠臺鼇頂峰

六鼇簸蕩玄圃碎三島崩騰失空翠海風掣斷
南山雲分我滄江半江水臺南巖谷青岌岌竒

松怪石作人立山巔恐有風雨來林徑空濛落
花濕水東巖崩結平綠積霧飛嵐坐堪掬蓬萊
迢迢幾萬里一碧天光浸寒玉吟翁回首看不
足緩步策驢度空谷誰知咫尺山中幽望斷殘
暉立脩竹

天馬山

溪隨天馬西北行半空忽見蓮花生雙鸞欲下
却飛去旌旗引入丹霞城攀蘿上到猿啼處恍
然曠坐消百慮千山無人雲氣深終日徘徊不

能去虛空樓閣時自開異香忽起三清臺風吹
 笑語落天半疑是神仙跨鶴來百花潭上春自
 照白鹿呼人猿亦嘯路迷不敢輕問津恐有賢
 人隱耕釣蒼厓九折樵徑通絕頂可見西崆峒
 塵心豁然臂欲羽竦身直上凌天風

夜宴友人席上有懷

青山林下啼斑鳩綠楊門前嘶紫騮落花成陣
 作春雨東風淡淡雲悠悠美人捲簾日在手胡
 蝶飛上珊瑚鈎南山不見笋成竹擬約滄波同

倚樓

貢闈偶成呈同院諸公

射宮圍棘斷經過閑却秋聲太液波風定碧簾
 聞禁漏夜殘銀燭見星河仙人共對青藜杖詞
 客孤眠白玉坡弱水蓬萊三萬里不知何處月
 明多
 雪夜直宿玉堂

琪樹花生禁漏遲金莖月色近書闈白雲入水
 春無跡銀漢橫空夜有輝竹靜似聞蒼玉佩松

歷代詩選 卷二十二 唐
寒欲傍綠荷衣乾坤清氣蓬萊表獨坐天風拂
翠微

張志道別都

竹寺西軒共聽琴杏花猶記紫囊吟溪山老我
扁舟興風雨知君萬里心滄海夜潮雲漢濕蓬
萊春樹碧雲深三年離別樽前話傾倒何時更
似今

庚午興聖殿進史

瑤編初進侍明光日麗龍池晝刻長堤柳染成
春水色宮花併入御爐香金壺灑露層階滑玉
梳分冰廣殿涼矇矓似知天意喜鳳笙新奏五
雲章

梧桐雨

曾將秋信報人知又與西風泣別離刻綠滴殘
猶有淚題紅流去更無詩舊巢鳳冷朝飛遠古
井金寒曉汲遲待得楚臺雲散後却憑琴調寄
相思

題平翠樓

華樓突兀摩蒼天清吟飛上神飄然虛欄六曲
 拂雲起蓮峰千仞當樽前晴嵐帶霧結秋色脩
 竹過雨鳴寒泉東風一笑歌石鼓心期試問金
 鼈仙
 曾與友人擬古樂府因題十絕句
 早晚臨粧鏡秋容怯玉鈿君心如日月照妾似
 初年

其二

采苕歸來午花梢日轉廊綠陰涼似水不見洗

紅妝

其三

生愛東隣女蛾眉畫不如近來機杼廢臨得右

軍書

其四

漫道從軍樂風霜只獨居三年遼水上不得一

行書

其五

海上扶桑景清光日見君祗愁風雨夜西北有

浮雲

其六

今夜中秋月含情獨上樓
辰星三三兩點偏照玉

簾鉤

其七

自見南樓月頻頻夢楚州
無端今夜雨秣作小

山秋

其八

露井踈桐晚風亭碧藕
秋捲簾山月上水宿見

雙漚

其九

堂上春花老流泉日繞山
願為雙白鶴雲路載

君還

其十

天子西巡狩彤弓錫虎臣
樓蘭何日斬看汝畫

麒麟

登福山遇僧偶出

欲扣禪關未有詩滿山空翠濕
人衣竹間倚杖

歷代詩選 元黃子齋 卷三十一 八
到西日試看白雲歸未歸
鷺嶺雲深杖屨幽竹風松影共悠悠何人分得
僧家榻坐看南山一片秋

天子友人見訪不遇
君來白鶴下青冥我入春山聽曉鶯可惜小樓
風雨過無人收拾萬松聲

堂上牧牛圖
平原雨多煙草浮牧童驅牛如挽舟柴門正在
水深處青山流過屋西頭
元詩卷之二十三終

石倉十二代詩選

元詩卷之二十四

蛻菴集

元晉寧張 蕘著

明三山曹學佺閱

題楊太史山居圖

湖上山居好奎題厯翠微煙霞收舊色林壑發
清暉松晚看書罷荷涼坐釣歸圖中有真趣須
此掛朝衣

題汪會語村隱居

聞道荆村僻幽居趣自成桑中豚豕晚芹外燕

泥晴苔石留僧坐山樽遲客傾憑軒久不到望
處白雲生

伍牧 宋將尹玉援常
州戰死于此

苦戰勤王事精魂泣鬼雄壞城兵氣黑遺鏃血
花紅故老談亡國明時錄死忠長吟一搔首落
日鳥呼風

螢苑曲

楊花吹春一千里獸艦如雲錦帆起咸洛山河
皆帝都君王自愛揚州死軍裝小隊驅美人畫

龍羈汗金麒麟香風搖蕩夜遊處二十四橋珠
翠塵騎行不用燒紅燭萬點飛螢炫川谷金釵
歌度苑中來寶帳香迷樓上宿醉魂貪作花月
荒肯信戟劔生宮墻爛斑六合洗秋露尚疑怨
血凝晶光至今落日行人路鬼火狐鳴隔煙樹
腐草無情亦有情年年為照雷塘墓

重賦明山歌送胥式有儀還武昌

盱母城南隱居者一生耕鑿盱南野何年移入
明山來築樓山巔雲在下環山小塢三十六中

歷代詩選 卷之四
有清池蔭桑竹日高塢口煙霧消稍見行人出
深谷池頭古井穿石空絕底暗與江流通井中
鯉魚長尺半人不敢取疑蛟龍隱居何人曾子
白誰其從者胥生式先生喜與山爲徒意不在
仙在樓居胥也來讀山中書清泉煮酒不用醅
興酣題詩滿青壁墨痕入石青模胡華蓋浮丘
石門麻姑隣峰丘壑可游行山中之樂遯吾軀
生今棹頭不肯在京塵茫茫歲云暮豈知邛亦
愛山人未辦山貲得歸去曾先生幾時把袂明

山行灑掃樓上聽松聲黃精飽啖一千日飛上
丹梯朝玉京

息齋竹石古木爲會稽韓季博士題

老竹葉稀多禿枝新篁碧潤含幽姿籜中龍子
振春蟄突出雷雨頭參差傍蹲恠石石罅裂裂
處恍惚疑龍穴山中有樹皆十圍活榦撐青死
槎折霜皮食盡乾蘚文半頂斬立雙楹分最後
一株身出羣垂枝倒走陰崖雲李侯標致不可
得小字親題別塗黑縱橫不在摩詰下蕭爽直

與洋州敵玉堂學士欣見之濃墨大書真崛竒
森然一片鐵石筆妙甚七字瓊瑰詞此詩此畫
今兩絕把玩微風動毛髮只應真宰泣瑯鏤一
夜山窗冷秋月

上清薛茂弘虞內翰以鶴齋號之爲賦

羽人新得虞翁號歸築衡茅益翠微丹室有風
鳴夜帳斗壇多露濕秋衣畫中昨者薛少保華
表他年丁令威直擬身形煉相似玉笙吹上白
雲飛

登六和塔

江上浮圖快一登望中煙岫是西興日生滄海
橫流外人立青冥最上層潮落遠沙羣下雁樹
欹高壁獨巢鷹百年等是豪華盡懶把興亡問
主僧

三月望日遊虎丘寺題小吳軒

海湧峰前雲樹盤佛宮飛閣出巒岫虎來古塚
金精白龍卧秋池劍影寒禪老說空留壞石鬼
仙題雨下虛壇憑高不盡登臨興更借西山晚

歷代詩選
元
翠看

題金陵

運盡黃旗晉祚開
天星俄復坼三台
方驚掘地雙鷺起
卽見浮江五馬來
草暗離宮碑卧土
雨殘耕地骨生苔
當時一掬新亭淚
誰信清談自有才

吳江

坐倚風檣看太湖
波濤湧洞半三吳
寒通上界咸池氣
窈入中流水伯都
雲暗蛟龍應起立
雪

深鴻雁自驚呼
望亭有酒宵堪醉
買得漁家一尺鱸

寄題杜原父懷友軒

尺五城南近世紛
移家來盩武夷君
他年功業誰青史
此日山林自白雲
石氣曉侵書幌濕
溪聲時雜棹歌聞
故人已
有同栖約杖策行穿虎豹羣

中秋對月時張外史有約以醉不赴

明月中天雲霧消
酒醒涼思正飄飄
星河不動

歷代詩選 卷之六 五
秋空澗鐘鼓無聲夜寂寥露下遠山皆落木風
來滄海欲生潮仙家玩事無緣到虛負瓊樓聽
玉簫

鳳山

衰草寒煙老木風南朝佳氣落秋空壁來山鬼
遮秦使盤泣銅仙別漢宮壞埒尚傳祠乙鳥荒
池曾見射飛鴻騷人自古多荆思長在登臨感
慨中

題上清張道士壺洲

錦水東頭觀闕青仙家元不隔滄溟鳳麟洲渚
寒凝碧雲霧衣冠夜降靈金醴浸花留客醉玉
簫吹月使龍吟看君福地容蕭爽長與曾孫宴
幔亭

鐵笛爲孟天暉作

愛此輕圓鐵鑄成何須楚竹選孤生年多化作
青蛇色夜靜吹如彩鳳聲繡出碧花凝錯落冷
涵金氣發鏗清最宜携向君山去一聽仙翁奏
月明

附柳貫詩

字道傳
東陽人

度居庸關

居庸朔方塞始入兩崖張行行轉石角細路縈
 澗岡層壑倒天影半林漏晨光崎嶇里四十所
 歷萬羊腸千轅絡前後兩軌通中央谷開稍夷
 曠在險獲康莊豈惟遂生聚列廛叅雁行激流
 或磯磴架云亦僧坊我生山水窟愛此不能忘
 是日新雨歇浮嵐亂沾裳水聲與石鬪風飄韻
 清商跼轡不知高浮雲翼超驤考牒曩有聞經

途今始詳緬惟古塞北八州猶漢疆控扼識形
 勢會同知樂康屬茲景運開六服連綏荒兩京
 備巡幸離宮岌相望守岳將孝制如祠匪求祥
 式瞻龍德中足徵王業昌請繼王會圖勿廢祈
 招章

李老谷聞子規

老杜聞子規近在東西川猶云感時物收淚寫
 幽悃今我行塞徼子規相後先時夏雲景晦鳥
 呼搖空煙響入樹窅窅啼垂血濺濺想知岐路

歷代詩選 元稹詩集
難不恤軀命全千聲復萬聲喚我歸言過苟非
木石心豈免腸內煎江南叢薄間有花名杜鵑
開時是鳥至相戒治春田不歸如江水負此今
五年風土孰云異物情要有遷寄巢勿浪出祝
爾還自憐嚴程趣行邁且復揮吾鞭

和袁集賢上都雜詩

出塞行瞻日趨朝喜近天離宮開苑囿馳道絕
風煙瑤水巡非遠峒山歷更綿甘泉多法從獻
賦憶當年

其二

雨水漸衣黑雲沙際目黃煙開才黯慘日出已
蒼涼狗俗高簷帽清心小篆香端居萬里念蕙
草惜微芳

其三

公子青絲轡王孫綠轆車宴酣風小定舞破日
西斜手擲宮中果神行海上查築鄒無自厚儉
德不期奢

其四

水草方方善弓弧戶戶便合圍連婦女從戍到
曾玄雪毳千家帳冰瓢百眼泉浚稽山更北長
望丰光懸

觀失刺幹耳朶御宴回

毳幕承空枉繡楹綵繩亘地掣文霓辰旗忽動
祠光下甲帳徐開殿影齊芍藥名花圍簇坐蒲
萄法酒拆封泥御前賜酺千官醉思覺中天雨
露低

過長城

道德藩塘億萬年長城謾與朔雲連秦人骨肉
皆為土漢地封疆已罷邊飲馬窟深泉動脉牧
羝沙暖草生煙神京近在玄漠北九域開荒際
幅員

還次桓州

塞雨初乾草未霜穹廬秋色滿沙場割鮮俎上
薦黃鼠獵獲腰間懸白狼別部烏桓知幾族他
山穡落是何方長雲西北天如水想見旌旗瀚
海光

附李孝先詩

字季和

茅山謠

道人兩鬢青如蓮大醉上山捫青天青天蕩蕩
玉盤出引手舉盤天上懸銀海傾倒桂樹影長
風吹香落丹井地上小兒沾玉馥白兔急搗玄
霜熟惜惜仙家十二樓夜半起拂跋烏浴手招
茅君叫列仙帶劍上立紅雲前茅君騎虎上天
去道人乞我明霞篇

送方叔高賦得長安道

灞陵橋上秋風早行人曉出長安道長安城頭
烏正啼長安陌上聞朝雞征車遙遙行復止征
馬蕭蕭鳴不已將軍年少美且都黃金箭鏃雕
玉狐未央前殿進書罷諸生拜官辭石渠將軍
歸去亦草草長安道邊人羨好莫憐賈誼謫長
沙不見馮唐禁中老

越上

賀家湖上已秋風放翁宅前山影東兩行雲樹
忽遠近十里荷花能白紅遊人濯足銀潢上越

歷代詩選
女梳頭青鏡中我欲張帆逼南斗扶桑碧海與
天通

送朶兒只國王之遼東

奕世名王策駿功建分茅土鎮遼東玉符金印
傳孫子鐵券丹書誓始終滄海斷霞連虎帳黑
河飛雪暗瑯弓莫忘聖武艱難日四傑從容陟
降同

和宋學士晚出麗正門

暮光霞彩炫金題絳闕高居雉堞低上相樓臺
連御苑中郎車騎過沙堤皂鵬孤振凌雲翮紫
燕雙翻蹀雪蹄回首上林涼月夜藥珠多只鳳

鸞栖

送陳杏林赴潮州醫學教授

三千驛路上灘船九品醫官半百年藥市得錢
添月俸杏林收穀當公田北書漸覺江鴻遠南
食初嘗海鱸鮮不用越巫驅瘴癘家家傳取衛
生篇

大星

大星在天小星落城頭嗚嗚吹畫角津吏擊鼓
河上船行人草草居人憐男兒墜地弧矢願南
北東西君莫怨不似沙下埋金 吳王納涼圖
輦路青苔雨後深銅魚雙鑰晝沈沈詞臣還有
相如在不得當時買賦金

吳王納涼圖

六月長洲水殿涼酒酣揮袖倚新粧芙蓉露冷
秋雲薄迴首西風響屨廊

元詩卷之二十四

何太虛文集序

夫言之秩然次序條理者謂之文文無待于作
也後之人口之所言雜亂無紀則必締構于思
撰造其辭而後筆之于簡牘古人雖不作文孔
子嘗云辭達而已矣此固作文之大法也而奈
何作者之不知此哉東漢以來氣弱體卑無復
有善作者至于今始千餘年唐宋盛時號爲追
蹤先漢而僅見韓柳歐陽曾王二蘇七人焉若
李習之若唐子西若張文潛非不遊韓蘇之門

而竟未與韓蘇合一也茲事豈可易視哉表第
何中太虛少負逸才弱冠已能詩而亦用意于
文至順二年春予卧海瀕顧予于病中授以大
集予讀之蓋優優升七子之堂矣予不勝其喜
非私喜也喜斯學之不孤也斯學也雖非儒者
之本務而其格力之高下實氣運之盛衰關係
又豈小小哉病餘倦于書然喜之之不極爲書
其後而還其藁前翰林學士資善大夫知制誥
同脩國史草廬吳澂伯清序

石倉十二代詩選

元詩卷之二十五

知非集

元臨川何中著

明三山曹學佺閱

墨梅

客携數尺紙手展墨色鮮江梅發疎花蕭然瞰
清川淡月掛寒枝孤幽弄芳妍豈非立凋後或
是標春先日月相往還何用悲歲年此花于茲
時好脩乃獨賢處士窮幽居羈臣懷左遷裁詩
孤山雪擁屨羅浮煙我今亦何恨仰視空青天

歷代詩選
卷之五
世俗不貴真共把墨粉傳玄帝雖令嚴此花不
俱玄子何习素質物性亦復然夢中如聞香殘
更悟醉眠

穆山山中

江南有丘壑我生良獨閒秋風二三友竭來遊
茲山山深不見寺但見飛泉寒蛇行兩山掖天
風鳴珮環青煙從何來墮我前林端未知有往
否鐘磬猶未殘長歌萬谷應仰見數峰攢紆餘
緣澗入側步寒雲關豁然得空曠聊復解破顏
殿靜蘚花潤松危鶴聲乾僧寶炷數珠相我盤
礴觀大開雙白眼應接幾青鬟

遊燒香寺于道傍折桂而歸遂賦

欲捐世間憂徑尋林下寺古松工聽法幽鳥靜
通慧鐘傳靖國聲苔識先朝事山僮偵茶候道
人玩香穉回看爭奪區始了西來意無生安得
滅有患非所致金仙一何高淡然無可累茫茫
曠大劫幽草供深翠出門見東村孤吹隨風駛
前林衆木竒醲薰隱幽桂飄揚滿虛空狂逐浩

歷代詩選 元在六屆 二
無際冥叅超欲仙持玩倏已逝

烏石山天王寺

天王小精廬山角臨城闌古稱藩服雄畢境環
相陳塔影六七枝瓦縫千萬鱗煙明南臺樹潮
壯方山津老僧肯前揖似余異人人指點壁間
畫脩廡行逡巡觀音大自在維摩妙悲顰蒼然
古木陰寒山若可親板扉幾尊者一一皆風神
老僧太息言劫餘偶遺珍從今幾年算此壁終
成塵余笑謂老僧子意亦良勤適見俄已失當

悟無還真

雪中重過黃沙

環環磴屢折剡剡峰爭迴木陰與石澹梅花抱
泉開長思黃沙好每待春雪來陽和發坤厚寒
翼失貞材引雲賈餘勇冰飈行新媒重成一川
雪步步當徘徊杉竹懸明冰琚與遞清哀叢石
動溪響斗吭出林隈含欣耦孤策迎賞剗蒼苔
夙昔多親友茲焉起余懷

天浴候官湯泉

歷代詩選
天氣稍清穆
漿聲泊荒津
湯泉冽山半
取徑娛
幽淪解帶散
踈髮掬漪澡
閒身暢然肢
體舒灑
若襟懷新
其下多嘉樹
細花落繽紛
和風來樹
間芳氣通
微辛繁陰
屢移席我
令鳴鳥親
無爲
急行邁
殷勤謝舟人

米開閣皂山鳴水臺

兩山阨一峽
幾丈落寒水
蜀灘春濤壯
吳江夜潮起
靜聽得天韻
冥叅洞玄理
遽得還未能
淹回成自喜
幸茲有臺亭
綠蔭極清美
霏霏林香生
郁郁山光委
本非塵土曾
偶此一流憇
所聞盡心聞
我耳毋煩洗

除日文江書懷

馳外心久息
求安志恒違
江受風雪壓
帆從波浪飛
眇彼東山雲
妄行已足非
爲誰餞殘臘
蕩漾不知歸
沈沈州郭暝
黯黯煙火稀
流坎理多
悟孤睽情自微

樟樹鎮五公寺

久幽厭拘維
蹙馳欣舒散
近關得禪扉
擇步歷

歷代詩選 元何大庸 四
蒼蘚沈沈松陰重灑灑水光遠殘花起餘香乳
禽響新囀虛廊清晝長高僧坐談簡學空素所
昧慮妄還自遣移晷始知歸生煙滿林晚

戊子十一月二十四日拜疊山先生于雙
桐驛蓋先伯見山同丙辰理宗親擢也
先生敘舊好言同心焉明日中賦二詩

爲別

吳門白日落孤妾悲洞房徙倚無所歸朔風滿
羅裳昔爲春柳陰今作秋菊黃芳景不速盡愁

心與俱長逝者魂魄在九京共徜徉粲粲河吐
水蕭蕭天雨霜出門卽遠道死生永相望

遊芙蓉山

十里五里石一步一長嗟行行山轉高悠悠日
將斜縈折抵深谷直下十數家來往自成村桃
柳映桑麻崖杉老絳葉石椶垂枯花陰凝四時
雪陽燄一川霞誰令余到此幽意浩無涯行將
辨畚鍤來此耕山畬

其二

歷代詩選 卷之六 五
岩岩青芙蓉峻秀琢寒玉危流千丈飛鏗鉤石
相觸幽閔魚龍宮荒寒霧雨蓄凄神不可留前
登散遐矚參差雜花動香氣汎深谷日照丹霞
開萬峰洗晴綠同心有長鏡緩尋靈藥斲葛仙
早見招庶得從所欲

其三

側足上翠微石磴八九折開盡滿崖花坐來羣
香歇遊目盡遠空亂數碧簪列草木頗葱蘢雲
興復霞蔚不知十日雨還長幾枝蕨山中無事

業持用慰採擷盈筐歸路遙忽見滿山月

其四

日月碧山去香草生還踏幽禽識履聲閒鳴故
相狎意行不知遠清嘯得虛答石上綠雲生巖
下紫煙合莫負今日晴聊折山花畝

歲晚詠懷

陰風入空林玄雲幕平野薄惟負悶寒飛雪鳴
古瓦抱衾不成溫孤懷浩難寫荒荒豺虎區三
殤無遺者王風不列國安得猶存雅黃竹聲久

沈傷來淚盈把

又

天霜不停威寒非日以稿厲飈竟吹脫未許依
叢老南山多白石終歲常皜皜乃知得至靜超
然全所保妄盡無非天心寧不違道凋落奚足
懷鍾山有神草

松野卽事

娛心仗老筇細數諸峰影微煙過前樹淡日在
半嶺幽鳥識歸宿遑恤雲路永冥鴻各有見日

邊半行整出處無定期是非諒難省

又

山窗一叢蕙脩葉吐紫蕤或云斷續花我亦豈
敢疑楚澤多芳草真偽奚難知浮俗尊虛明君
子傷令姿博觀貴自得清芬良在茲

秋日山行雜興

獨往非避俗散懷聊尋芳流風淡翠麓理策秋
路長蒼石含幽色樛木落寒香一片太古雲化
爲孤鳳翔忽然歸紫霄蕩瀼不可望浩歌向夕

歷代詩選
卷之九
齊敢事接輿狂

山回杉燠清崖傾花雨下詎知吾道非偶然適
曠野磊落寓隕星赴流飲奔馬風微葉時落磴
寒雪自灑孤松榮蘿轉幽峰抱嵐地景晦良遇
稀心異真賞寡舉手謝時人巖陰栖古瓦

白馬篇

冥冥子規林蕭蕭綠楊路白馬誰家兒揚鞭西
南去去去知何爲不辭還溘苦陰陽速相禪乾

坤幾新故丈夫慎馳騫出門已艱步悠悠獨鳥
沒霧暗連村樹

文江夜舟

北斗一何渴下飲空江流南雁知何愁相喚不
自休東浦征人歸孤燈出籬幽西淵捕魚急飛
火走一舟漢皇極寬仁今年租稅憂有生亦擾
擾吾道更悠悠

曉發辭夫磯時李洞漑之友先行

荻暗雞鳴村平臯下殘月參差隣舫語艣聲帶

潮發露華望中白蓬陰散秋髮沙鳥知曙鳴海
雲上空滅念我前行友青山已飛越遲爾及相
携無嗟賞心歇

龍潭阻風夜興

水宿滯前期前津北風惡林寒燈影深莎雞滿
籬落荒忽寄孤迥淒清愧離索年光星河轉夜
氣衣裘覺乍駭勁翩翩俄驚大魚躍潮痕侵柳
根移船避沙閣

早發東阿午經東平晚宿汶上是日雪

嚴裝齊地曉投館曾鄉暮天寒客心速雪下車
聲去迷獸出桑畦流人披野路淺靄須城山斜
橋汶津樹前聖有遺業倘惘經行處荷蓀與耦
耕何其得深趣

南浦旅懷

鄉近歲已闌猶爲候風客落葉葢蓬深三日不
知息浦樹分城煙水明遠沙色滿筐紅燭枝渡
人隔村夕久滯妻孥望孤還友朋惜音形兩睽
離情生自難抑

登九仙山

吾宗九仙人煉藥此山上渺渺嘉遯心披煙一
相訪海門葱蘢外山氣擘嶂狀測日明遠潮歸
霞委孤嶂塵緣誤良契仙事敦夙尚何處乘鯉
歸微風起清漾

抹回早起

覺來日已升花梢衆禽語何許白浮萍池間散
還聚起見梅已空夜來幾更雨魚行春到水草
暖香在露溪上人語喧樵薪蒲沙路

當朝菊

我耕不半畝黃花列千叢蕭條變衰時一夕萬
里風立孤不作難英英異風骨君看墻東客夜
寒步霜月

春風如少年

春風如少年効程漢翁
春風如少年狂逐無定處垂楊曲江堤細草東
郊路祗言今似昔不悟新非故流水何時歸殘
鶯數聲暮

招仙觀

透迤溪南路窈窕招仙谷空堂兩道人殘棋映
深竹一葉響疎籬雙鴉啼高屋出門隨歸人遠
燒在山麓

發新淦金水亭

振衣上野航回首謝山阪日淡秋水空風清片
帆遠沙光侵岼發峰影隨人轉前渡煙火深離
亭路今緬

登李白酒樓

當時謫仙人四海蜚英聲偶然此一醉遂有無

窮名叔世尊放曠中度翻爲輕頰波浩難返憂
思誰能平

述懷

文藻風流盡天機定偶然自憐有今日猶復望
他年道遠雲千里樓危雪滿川春還問消息好
去落梅邊

淮安道中

鐘聲起前林悠悠向南客天垂大野高月淡行
路白雞犬淮上村雲霞海邊色舊時塞垣地來

往人馳驛

朱方偶作

欲向南容天雷大裡高民效行

雪餘春水生日上暖雲泮杳靄松林中柴扉起

樵爨新粧携童稚隣曲欣年換坎坎村鼓鳴沙

頭酒聲亂

雲十里對武雲龍川春數問湖息我

文氣正月五日吾族諸老儒服縱遊日餘外望

縱遊二十士遠賞物華新好是小蘭若一來中

聖人桃源在何處流水不勝春歸路狂歌甚歎

斜烏角巾尊太齋中

幽尋

意適可幽尋天空晚氣沈鷗飛一川迥花落五

雲深庾子江南恨瓊奴柱下吟野風吹我老鴻

雁有餘音

晚興

雁背霜花落吟悲興自如天虛鱗甲動山老鬢

毛疎斷隴暮歸客寒溪人自漁蒼茫閉籬落政

爾緩羊車

春郊

歷代詩選 卷之六 元何太虛 三
湖海獨垂釣風雲入短簑
燕來春已去花少雨
偏多一飲捐愁却千杯
奈醉何青山如有意對
我獨高歌

又

試數亂離年傷情更惘然
牛羊荒草樹天地老
風煙白骨蒼苔外山花
野水邊幽禽未栖宿來
往自翩翩

喜雨

雲葉來西北風聲乍疾徐
冥冥天下雨湛湛圓

中蔬書傳堪經世乾坤且助鋤
欲言無與領獨立看芙蓉

奇石

奇石爭迎立青杉互引前
泠泠兩溪水淡淡一峰
煙閒作題巖字時逢採
藥仙蒼崖忽陟絕松影
亦颺然

山中

何處征徭急茲山水石奇
鳥鳴新葉長磴仄斷雲
移趺坐天正碧起行風
自遲徑穿松罅去巾

袂罥蛛絲

南居寺

閉戶未從容出門誰適從聊隨碧溪轉忽與白
鷗逢小雨十數點淡煙三四峰幽尋趣未已山
寺已鳴鐘

病中感懷

多病他鄉外孤懷始覺愁山圍雙鷺曉門閉一
蟬秋遇合馮生鉞勲名季子裘悠悠耦耕者端
暇爲人謀

陳家源

恐是仙源裏山從洞口開茅簷無客到稚子恠
人來塘綠魚迎日林清鳥啄苔欲令幽賞足石
道沂縈廻

其二

翠霧斷崖側丹霞流水西竹從幽處密松自古
來欹落葉半藏路清風時滿溪仙家元不遠未
許衆人知

龍池寺蒲石

歷代詩選
卷之九
底列貪竒意吾行亦偶然尋泉經絕壑看石到
幽禪鳥語前林日雞聲曲巷煙偶逢樵客到共
坐偃松邊

立秋夕作

但覺焦源苦何當沛澤流夕風微報響古木暗
藏秋末事冥難測閒心遠作愁亂山高下碧煙
靄澹浮浮

送人歸臨川

金河疎柳外去權響流漸爲客有歸日送人愁
別時寒雲隨雁遠南雪到山遲舊隱書無態行
藏莫豫期

江中

掛席亂驚湍曾過此渡難潮歸楊子晚山入秣
陵寒聽語知鄉近忘年計日寬穩行隨夜泊煙
火滿江干

鄱陽湖中除夕

除夕生能幾誰無骨肉親望鄉偏恨路在遠欲
遺身湖雪殘波舛船燈獨夜人淹旬須一刻珍

重故園春

行樂

行樂當幽賞晴峰帶雪欹
水香梅落處沙潤草生時
事識心仍累生添疾界衰
深村紅葉路樵牧轉相知

辛亥元夕

頑坐故貪默忽行時自言
寒沙梅影路微雪酒香村
時序髮髮改人家童稚喧
街頭試燈候不到郭西門

贈李仲元

曾逢偏意悟顏面費追思
把酒忽相語計年深自悲
亂山藏路遠秋水去城遲
若到寒溪上教兒護菊籬

別唐仲謙

記名長似識相見始慚非
每到極言罷却欣幽聽稀
日明山氣收江靜水痕歸
添得今朝別城陰空掩扉

水口夜思

牢落不成寐
荔陰寒石磯
潮生灘響盡
海近夜涼歸
旅思隨時改
鄉音逐遞非
燕南與粵北
秬足費征衣

吳仲谷來喜雨

山居難適俗
到縣動經年
偶出成竒事
相看各粲然
酒深孤羽外
燈淡小樓偏
草草荀陳夕
他時倘有傳

除夕

歷歷諸除夕
遽廬是處安
翻因歸路近
始覺到家難
浦隔雁聲落
篷孤燈影寒
家人應共說
賓閣尚盤桓

偶書

桐寒葉落風
菊淨花開雨
掩映半畦秋
好竹三四五
對此憔悴人
忽笑不復語
飯信寺近曾
文照公墓次

綠柘茅舍村
青山晚煙度
何處權歌還
直入深林去
隔阪數聲鐘
鴉啼翰林墓

宿田家

歷代詩選 元何大庸
村暗煙火生林深雞犬靜
麥花如積雪月色淡
相映隣家夜汲歸寒虫滿幽徑

漢宮春

君不見漢宮六六多佳麗
露花半染雲裙翠
少翁招得夫人魂
孤鸞夜啼月波墮
趙家姊妹專風流
雙蛾不識人生愁
芙蓉金帶欵一朶
西飛青鳥徒離憂
飛龍翩翩上天去
雲幕椒房土花雨
墮膩埋胭恨未消
香魂尚寄寒莖舞
人間炎日焦衆芳
肯隨葵藿來傾陽
柔情幽怨透地脉

煙幃寂寞疆成粧
誰吹舊曲綠雲切
寸心婉婉應愁絕
綠羅幾疊御賜衣
紅綃半點守宮血
空留媚臉栖餘妍
遙憶羊車望幸年
至今一片巫山雨
化爲飛泪徒潜然
故家陵苑孤雲外
綠樹如雲草如海
殷勤惟有虞美人
同向墻陰弄晴靄

千秋春怨

洛人傾國賞牡丹
東西繡轂西家園
黃鸝紫燕新得意
柔雲如酥花迷魂
遊人寂寂歸何處
花

歷代詩選 元何太康
亦年年占風雨江南却遇李龜年蘇州空感楊
開府誰吹玉笛斷人腸斜橋淺淺流水香惟有
千年老銅狄看盡人間幾夕陽

同歐陽文忠公神清洞韻題羅士鼎所藏

米元暉神清洞圖

穎陽之山翠煙深仙人不見勞我心叢峰峩峩
照空廓白雲時飛石欲落此中不着人間客採
藥歸來花滿石想當飛鳥墮層崖數聲清嘯驚
瑤臺緱山蒼蒼今在眼舉手招之姝未來穎陽

之山夜鶴飛仙人不見歸何時神清之洞有幽
客應向洞中煮白石洞前巖下仙家春幾片落
花雜飛溜高下樓臺縹緲霞綠樹不老青山壽
王生邢子意姝勤恨我隔此浮空塵安得碧雲
千萬疊栖此人間謫墮身元暉昔作西江客夜
飛墨花曉無跡春風留此二百年幸是山中至
人識有千黃金雙白璧鶯溪白蠶纔數尺穎陽
山高風露寒幾處高堂掛生色

塞野縱目

讀書萬卷不經濟
懶境最佳工坐睡
手持綠玉信步行
穿破麥花到林際
縈迴空谷含休光
隱映深松發清吹
北風掠野牧者誰
牛影參差霜草悴
一牛閒卧意方安
童子何知鞭已至
回頭一望盡天南
高下千峰灑濃翠

冲虛宮景真堂

怡山東麓堂靜深
欲尋真景真難尋
華鐘時發貞明韻
秀木遶懸天監陰
天風颼颼吹余髮
戲縮幽藤作條脫
騎鳳簫驚烏石雲
降龍劍照鼓

山月丹爐藥竈長
周旋六時采擷三
芝鮮蓬萊書札失
幽約幾度歸潮深
碧煙

古秋夜長晴雨

雲浪流碧虛
雨花散前除
西風紅葉石欄曲
盡併寒聲歸綺疏
回文讀罷雙蛾歛
城上啼烏稀
漏點東家嬌小乍
迎郎沈水銀篝燧
晚粧燈裏鏡臺閒
自照紅顏相似夜
偏長

高困春冬歌

春風東來汎幽谷
出門一笑人間綠
新雨池塘

歷代詩選 元何太虛
柳帶鶯嫩雲洲渚沙眠犢一簑一笠東西村天
高地下斯人存歸來醉醒聊隨意翠樹無言花
滿門

其二

寒鴉萬點落葉赤山風蕭蕭野日白池上梅花
俱有情林間茅舍元無客人言梅花知歲寒花
亦偶然冰雪間向來羣芳令欲盡蘭芽已動春
將還

題江南煙雨騎驢圖

風發發雨瀟瀟渡船未度山相招騎驢不知前
路遙前路遙抵何處南山之南且穩住莫向長
安街上去京尹今無韓吏部

黃河道

黃河道漠漠黃沙覆枯草依然南北兩空堤堤
上耕人長桑棗人心百計當若爲古來河水今
南移平原縣前好沽酒車夫鞭驢莫回首

由寶塘舟行至臨汝

盧鴻十志看不足愛雪貪行雪相逐晴風吹散

歷代詩選 元何大康 三
北山寒三十六陂水初綠黃洲拏得罩篷船松
筠繚繞煙成淵陂聲疊下灘聲惡鮑照却歌行
路難

送李仲章遠遊

風笛無聲笑指空出門誰碍更求通一帆千里
客何遠王氣雄圖江自東赤壁驚鳥飛夜月衡
陽歸雁落秋風人間興廢不須問詩在江潭柳
影中

秋懷

萬壑東歸晝夜流人間自是本無愁不悲白骨
塌秋井尚恨華屋歸山丘此事直須一杯酒只
今何用萬里侯明朝且可尋黃獨荷鍾徑徃西
山秋其二

其二

采采蘋花可佩香依依橘柚未全黃人行塞北
非征戍雁過江南有稻梁短笛疎鐘來別浦亂
鴉飛鶩共斜陽西風擾擾知何似看見黃花滿
地霜

雨中

雨滿寒空風滿林閉門十日長悲吟不知補袞
從誰語尚許傾陽見寸心書史軒窗雲氣潤蕙
蘭蹊徑蘼花深好風爲我吹晴未欲釣清溪坐
柳陰

其二

炎夏如秋氣已遷老天奇變亦多端山橫北牖
陰雲合人對南山暮雨寒江海窮居無米易古
今隨意得詩難巖花落盡幽禽語坐擁千林俯

碧欄

八月二十八日

黃竹哀歌世偶傳佳期應待後千年曲江宮外
看蒲柳凝碧池邊聽管絃古往今來人化鶴天
長地久帝爲鵑蓬萊水淺應聞似徐福歸舟已
失仙

夜立

冥冥無復辨秋毫天映諸峰湧翠濤萬里明河
流眼去三更獨雁倚風高南隣絺綌秋難貸隔

舍歌呼夜更豪只有殷勤木上坐共聽枯葉響
蕭騷

曉晴

雨意將闌天自休頻穿詰曲聽鈎輶千山欲曙
微霞吐萬木含春濕翠浮孤塔遠知城尚近空
江猶似古來流遶汀花落白于雪掠地風來嚴
似秋

次韻彭希爽吳景傳約遊穆山

穆山祇在白雲隈擘石為門任去來兩澗寒聲

通法席數峰秋影散香臺林藏僧梵含風遠嶺
隔山樵戴月回此地能令高興別中秋時近桂
初開

舟中

竦立去帆波渺渺深籠寒靄樹稀稀象牙潭上
風初急龍霧洲前雪亂飛山掩孤鐘分響到沙
明叢雁逐行歸雕房熾炭行持令阿那癡漁擁
斷磯

答清江皮季賢見寄

歷代詩選 元何太山
古人千里夢相求咫尺翻增隔絕愁雲護牋題
醒處墨雨深樹色綠邊樓文章正法追前哲句
律新功却俗流爲問幾時談到劇壽楓南畔菊
花秋

送族弟元迪

老去逢人怯送行弟兄分手若爲情明時莫信
高才隱爲客當令遠業成桂嶺寒煙通郢樹迢
遙夜雨入彭城明朝便自堪回首不待秋風過
雁聲

題崔伯明詩卷

海底珊瑚不易收俄然在手醒雙眸媧皇煉石
天無墨織女機絲月共秋一草作花生自別三
年刻楮巧堪羞客窗燈影誰爲伴雨響空欄徹
夜流

由清江赤城觀至寶塔寺暮歸樟鎮

自笑野人多野思壘村隨處意閒閒赤城觀裏
折丹桂寶塔寺前迎晚山隔水歸樵分路散衝
嵐飛鳥認林還祗言十里街頭近不計黃昏便

歷代詩選
卷之九

元何九

三

掩關

酬揭曼碩贈別

來日君還在我前
歸時我獨占君先
冰寒斷道鳴駝外
雪暗空村落雁邊
畫省諸公扶日月
南州孤客記山川
松聲多處黃精好
舉手青霞始學仙

任城南

自愛清遊自愴神
五千里外獨歸身
馬嘶平野呼鷹吏
犬吠寒沙射雁人
直北關山初合凍
近

南氣候漸知春
蒼苔白石梅花路
長憶驅車曾水濱

秋夜獨立有懷

秋老谿貧獨夜時
叩枝移徧響虫飛
山城鼓疊月生海
林屋燈寒風動扉
帶雪關河人別久
隔天書札雁來稀
忘情每有難忘者
黃葉一庭霜滿衣

偶成

初啼山鳥篆香斜
荏苒明時翫歲華
三日雨深

春在水一林煙濕暖生花尋盟舊卷鈎簾展開
禁新醅隔竹賒却憶去年歸漸近半篷殘雪上
寒沙

陳虛一尊師山房雨後

一片閒心倚石壇千峰向背碧當軒海門雨氣
懸虹影洞府香風粲鶴言絕艷槿花深映戶生
紅荔子密圍村早知千里移家近久辨黃岡十
畝園

得家信

俗尚難公不取諧木陰深處玩蒼苔身拋世累
終相着心怯鄉書重一開極目雲天鴉陣黑滿
林風雨雁聲來平生最有看花癖何處溪頭發
早梅

新淦阪步作

松筠色潤翠成圍鶯鴨聲多水漸肥隔縣販人
爭野路迎年浣女試新衣暖煙黃柳知春到殘
雪青山伴客歸茅屋酒旗隨處有悠悠世事儘
相違

閤皂山福地

兩崖松竹綠蕭蕭時聽巖陰響野樵鶴信蚤歸
題籙客蜂房分綴鍊丹寮晉時月在淦源淺粵
國雲通勾漏遙仙馭肯忘橋鼎地風笙清夜落
璿霄

舟夜

拓去篷窗月滿襟蕭蕭驚雁墮哀音不知天意
何倉卒數疊寒雲萬里陰

海棠

冥鴻銜子錦川來嫋嫋柔紅無數開花睡未醒
春未透半空飛雨暗蒼苔

江行

悠悠行客漸黃昏隔浦人家已掩門誰與飛漚
遊海上亂鴉無數下西村

雪

天風搖動玉京移九野蒼茫竟大竒老樹細觀
猶似昔好山無處不堪疑

夕陽

歷代詩選 元何大虛
天
斜陽盡入笛聲中
兩岍樵漁一水通
楊柳已疎
楓漸落
黃花渾未識
秋風

次史葯房池上卽事韻

萬蘂蜚香百草芽
簾旌不動柳陰斜
幽禽還識
欄邊客
曾立東風仗外花

秋原

稻花香裏聽潺湲
潑路入高原
犢草閒生長
太平
無所用
且隨殘照看秋山

初春

年華將去野梅知
春色初來柳眼移
偶到前村
閒指點
數峰殘雪淡晴時

鄧州雨中遣興

萬里千巖夢寂寥
飛淙落澗夜蕭蕭
覺來忽聽
兒童語
昨日榕陰在石橋

一天題瀟湘秋色圖

瑤瑟無聲水自流
黃蘆紅葉滿汀洲
蘋花欲採
無尋處
一片閒情萬古愁

邗溝

衰柳殘荷併慘然
青山隔岼弄嬋娟
多情惟有
邗溝水長送江南
過客船

微雨

一天微雨濕芳塵
紅綠相依幾處春
家在海棠
花下任傷心
長是未歸人

放船

晚色重重放客舟
輕風吹漾落潮流
林巒盡異
來時路知是明朝
到福州

豫章登舟作

城南無樹識神仙
閒往閒來四十年
西岼青山
東岼塔爲誰相對
老秋煙

象牙潭

水禽兩兩樹三三
近浦遙峰隔嫩嵐
新換一天
秋色別短篷
行過象牙潭

自笑

世情多識事多諧
長對雲山共笑談
煮石採芝
隨意足憑君
莫唱望江南

石倉十二代詩選

元詩卷之二十五終

石倉十二代詩選

石倉十二代詩選

元詩卷之二十六

存復齋

元睢水朱德潤著

明三山曹學佺閱

次方叔淵先生自越屯歸城中韻

晨發越屯路郊務曷勝紀扁舟重灘棹急浪

還汜村深鳥競鳴時見出農耜楓林宿靄收茅

屋炊煙起依稀遠江湖漸覺近城市逢人問歸

程舟子行且喜宿雨起新漲蒹葭沒秋水思倦

名利塗醒心甘洗耳先生棄儒冠高蹈出鄉里

優游吳楚間生事丹砂裏壯年厭世紛歲暮少
知己欲拂珊瑚竿東溟釣青鯉

送馮海粟待制入京

人生百年間會面能幾何昔年別君去冰雪滿
長河今歲復送君堤柳青婆娑春塘漾輕舸曉
日生微波柔櫓數聲動遊子行不歌夢隨征帆
杳思逐春流多落花粘空樽錯落金叵羅聚散
未足道且使朱顏駝

延祐六年九月廿二日渡楊子江

驅車丹陽麓津吏迎晚渡擊鼓動連艘檝急浪
花舞水深蛟龍蟄日落鷗鳥度金山天畔樓雙
塔逾青楸黃金鑄古像歲月逐江流誰云限南
北停橈歌壯遊

和虞先生榆林中秋對月

關前節候早秋半毳衣出牛羊散原隰漸告農
務畢山空衆木下栖鳥已喧啣日昏在牽牛魄
月如晝白茫茫覘六合况敢事一室仰觀浮雲
變清暉易升沒

次韻貢仲章學士題仙山圖

浮生三十餘，矢志墮塵鞅。南吳與北燕，所歷如
翻掌。山中猿鶴期，別路成榛莽。瑤草霜未凋，靈
芝日應長。久聞東王公，御氣九霄上。縹緲星霞
裾，虛室絕華想。欲從道無因，寫此寄清曠。

北郭遊西山作

宛平佳山水，歷歷蟠心胸。偶登羣峰頂，下瞰青
蓮宮。長松騰翠蛟，古磴妥垂虹。雲開扶輿氣，翕
忽如仙蹤。我來方醉後，遊覽徹九重。長嘯出林

杪，振袂揚天風。願同安期生，携手凌昊穹。

泛太湖訪友

扁舟去何所，渺渺太湖陰。依依桑梓村，拍拍枕
寒潯。飛雲入遐睎，鳥道橫青岑。篙師戒勿渡，柔
櫓力不任。我身雖骨立，未肯折壯心。放船當中
流，浩歌激清音。何當被宮錦，再作峨嵋吟。

爲張疇齋承旨作仙山晚渡

十月之交朔，風其飄。我來自南干，以遊遨。清霜
着喬木，落葉灑江皋。野橋駕略杓，蒼石浴寒潮。

歷代詩選 元朱澤長 三
客子暮擔簦蹠躡上輕舸澄江靜可渡不憚前
山遙聞有列仙人煉玉遺丹膏鳳音雖寂寞素
鶴可相招願尋長生道白日登雲霄

爲儀鳳山作

物靈不自顯鳳今在山楸文章日益著律呂音
相求山川何岩嶢搖落關河秋征雁度空碧烏
鳥集林丘仲尼久已往郊藪誰能留行看太平
日君臣協成周瑞世當一見孤鳴揚九州

葺舊廬作

先人昔處世行義如魯黔衰年當薄俗歷此憂
患深敝廬隔風雨高歌忘古今蔬食樂晨夕得
殺良盍簪牀頭置周易牖下莓苔侵臨雲析疑
義言論衆所欽皇天不少假悲風起長林

和柯敬仲博士幽蘭

陽和徧巖谷猗蘭發初芳幽姿不自媚隨風忽
飄香寧辭雨露恩感此歲月長願隨郎官握得
上中書堂不慚山澤姿高貴比金張靈芝在宣
室豈獨懷沅湘

歷代詩選 元朱澤長 卷二 四
和楊廉夫縣尹遊山

青山倚天高巖谷入晦冥虎豹居九關無錄閉
巖扃企想賢哲士寥落如晨星寒風徠鳥翮暑
雨吹魚腥竹枝變韶舞羯鼓如雷霆黃流渾淳
源浮塵滓滄溟鳳去幾千載梧桐山更青

題唐明皇幸驪山圖

驪山西北高萬乘東南至霓旌蒼翠中閣道丹
青裏憶昔上林遊春寒多並轡羯鼓召花奴黃
門催力士霓裳曲未終驚動漁陽騎

林精十四日泊安陵

廣川六百里驛道上皇州紫極星晨近黃河日
夜流村明深夕火灘泊過年舟明祭乘車去逢
人說浪遊

和龔子敬先生遊春韻

烹茶熱旨酒坐石得嘉賓好鳥時鳴晝幽花不
放春山遺今古事詩著往來人楚地龔夫子諸
生數問津

贈黃竹村老儒畫梅竹

歷代詩選 元朱澤民 五
煙水盱江渺丹陽度雪寒久憐梅淡泊先問竹
平安夜月清詩思春風彩筆端北來知己少歲
暮欲彈冠

題拙作小圖

碧山高陰涿老樹立突兀嵐光凝曉候隱見蒼
林密空谷有佳人胡寧欲行役

其二

招提抱層巖欄楯出虛迥微微宿靄收轉見蒼
林靜客子更何之扶筇躡雲磴

真州漢銅虎符歌

建章前殿金鳳凰兵符五出單于降漢家明詔
下鷄鹿將軍夜送呼韓王棘門驃騎多猛士酒
酣擊劔願効死征和丞相佐君王從此合符兵
不起霜風千年換陵谷銅秀土花青似玉斑斑
只憶漢彤庭用夏那如變夷俗當時銜命出關
中編鬚豈敢要竒功平原豺獸不擇肉印章千
里空泥封

題張叅政所藏太真上馬圖

開元朝野時清明姚宋廟謀多輔成紫宸前殿
焚錦繡花萼樓高延弟兄那知暇豫生淫樂慢
舞霓裳羽衣薄龍齋流禍入宮牆野鹿銜花汗
簾箔春晴金轡曲江行回顧阿環嬌態生繡衣
珠玦如花旋秦虢椒房恩寵鮮宮中昇出錦棚
兒兵滿漁陽人未知一朝犯順入宮闕咸陽煙
塵迷日月翠華雜杏驚塵蒙劔閣西廻渭水中
王臣下微同列國從此藩鎮爭豪雄人生富貴
真迷途傾城褒姒無時無漫道玄宗不知政試

問當年無逸圖

仙山圖爲趙彥昭賦

崆峒之山戴斗極疊嶂橫陳開碣石翠崖丹磴
互低昂複閣層欄轉空碧碧桃花落笙聲幽雙
成吹玉彩鳳謳跨鳳騰雲去無迹清猿啼斷層
崖秋霞光隱映山長在寰海茫茫隔煙靄舊遊
仙侶謾招呼誤落人間幾千載吳爭越戰何可
數束書欲問桃源路畫圖空見避秦人隔水漁
郎不相顧

送李益齋之臨洮

綠陰滿京畿送子之臨洮
臨洮何茫茫流出長城壕
長城岍阻玉關阨于闐
葱嶺河涼高羌氏兒郎
走帶箭哀笳風起斗擊
刁良人西征二三載寶
幢車馬聲塵遙如今不
用酒泉郡豈必坐使朱
顏凋蒲萄苜蓿味雖美
異方土俗殊鄉里避地
猶當似管寧受封應得
論箕子願從列騎擁旌
旄歸來燕處華堂裏却
話人情翻掌難曾浥征
袍淚如洗

王編脩邀遊西山海子

晴川低迴山蒼蒼涵煙夾溪千里長
山腰澗曲細泉響下激石竇爲微瀆
枯梢挽風秋色裏脩林落葉隨長江
林疎石露見茅屋時有小徑通微茫
招提橫截翠微上欄干九曲雲飛揚
自從束書離故鄉脚頭青鞋走山梁
山川悠長日月速躋攀分寸何能強
太原高人知我意請列統素書滄浪
丹青不關名利眼虎頭癡絕非王郎
百年有懷良可哂還拂長松思道場

讀隋書

廣通渠邊渭水流
長安猛將懸兜牟
陳郎酣睡未知曉
采石夜渡江聲秋
韓擒不待賀若報
呼得蠻奴作鄉導
銅鈺一聲歌管闌
望仙閣下旌旗繞
兵家兒女髮照人
金井梧桐三墜身
血痕已汗青溪草
遺恨空憐高使君
當時只道明良會
三十年間轉頭事
江都未放錦帆回
晉陽城內驚塵起

德政碑

德政碑路傍立石高
巍巍傳是郡中賢
太守三年秩滿人
頌之刻石道傍紀
德政傍人見者或
獻欵借問獻欵者
誰子云是西家鑄
石兒去年官差鑄
此石官司督工限
十日上戶斂錢支
半工每年准備遭
驅責城中書生無
學俸但得錢多好
作頌豈知太守賢
不賢且喜豪民來
饋送德政碑磨不
去勸君改作橋梁
柱乞與行人濟不
通免令觀者嗟何
補

水深圍

水深圍田疇蕩蕩如湖陂圍低水深岍不立雖
有木石將何施里正申官官不允徵糧每歲歸
倉廩稻梁無種長菰蒲民產賠償官始准今春
水澇忽無津四分災作五分申問渠何故作此
弊府州伏熟成三分吏胥入鄉日旁午二分徵
作陪官賦倘逢人訴熟爲荒破盡家貲猶不補
因此年年怕官惱水澇水深俱不報東南民力
日漸窮不願爲農願爲盜人生盜賦豈願爲天
生衣食官迫之水澇償米或時稔陪糧無奈水

深圍

題石崇錦障圖

洛陽金谷園中花雕玉爲欄繡作遮瑠璃器多
出珍饌瑪瑙街長行鈿車椒房塗香貯歌舞曳
珠珥翠籠輕紗珊瑚扶疎三四尺王羊貴戚爭
豪奢那知花淫風雨妬古來山澤生龍蛇嬋娟
墜樓寶珈碎月明夜半啼驚鴉

贈張鍊師遊京師

鍊師家住茅山窈玉泉爲池翠雲繞丹成不隨

歷代詩選 元朱海
笙鶴去酒酣擊劔思燕趙古稱燕趙多義士京
師貴官皆倒屣君今挾策遠尋師聞道王公新
奉旨黃金殿下拜天子絳節朝元從此始他年
雲外聽山呼茅山合在東封裏

除日

日行三百六十五今夕方除歲云暮人生憂樂
百年期又見日除當此度養和適情宜及時古
今中壽七十稀自非金石不可永刀圭誰保長
生期彭宣老聃亦何之不須更作送窮詩客聞
此辭莫傷咨樽前且醉黃金卮

觀內廐洗馬

黃雲灑雨沙場秋灘高水平凝不流曉霜襲透
蒼駝裘圍人浴馬津水頭綠驪連錢雙驂騮日
光射波脂膩浮青絲脫鞵黃金鈎輕爬短刷濕
未收三花剪髮平且柔籥雲駿氣將無儔束芻
丰豆豈馬羞茫茫豐草生林丘霜蹄胡爲踏長
楸振鬣一躍期天遊

賀張景亮知州致仕

歷代詩選 元朱澤民
角巾歸里舊儒冠宦轍馳驅涉萬端楊柳碧溪
春晝永梅花白雪夜窗寒朝廷有道容辭老田
野無羈得盡歡幸喜玉堂遺業在安居留待後
人看

送劉德璋提點還宜興通真觀

通真仙觀欲凌虛牝谷先生晝隱居玄鶴不歸
華表柱白雲長護紫泥書桐棺已化人徒仰鐵
鎖高懸孰可舒便欲束書陽羨路青牛春晚又
迴車

遊梁溪暮歸

古樹呼風作雅音石梁溪渡景沈沈山橫宿靄
曉晴薄人倚曲欄秋思深潁水空遺黃鵠恨茂
陵多感白頭吟栖遲莫厭歸來晚明月驚烏繞
故林

和王繼學治書

駒隙流光一鏡懸虛明直與綺窗連鑿開混沌
知身外別有山川在眼前蓬島秋深稽漢使桃
源春暖避秦仙敬亭山色看如畫熊枕圍屏穩

畫眠

送趙季文任湖廣州錄判

萬里奉親官署近萱堂春早燕呢喃桃花紅似
郎君馬楊柳青干從事衫苕水漁舟煙浩渺何
山書舍石巉巖莫思杜牧尋芳晚剩有新詩寄
一緘

俞元明參軍雪中以詩招飲就和韻時學

士東泉曾公大叅叔能王公御史子昭

郭公同行

上方山頭雪迷路石湖橋上作行春湖光萬頃
送歸棹山鳥一聲如喚人靜樂可忘軒冕貴清
遊端勝綺羅塵人間今古誰能賞詩思不如圖
畫真

題豫章山房

豫章林老色參天擁護山僧丈室前豈爲法身
同草木要驅塵慮出風爐茶甌香篆晨齋後竹
几蒲團夜榻邊獨有瀏陽歐學士題詩遙問不
空禪

和虞先生題武當山張真人別業

嵐雨初晴綠樹新
松蘿夾屋淨無塵
洞花幽鳥時時別
野鶴孤雲日日親
紅霧半窗丹火候
青山萬古百年人
從君更覓方平宅
玄武門前作近隣

畫真紅葉題詩

金殿風微拾墜紅
題詩聊寄玉溝東
芳情有意隨流水
細字無心學斷鴻
別館乍涼霜透幕
長門深夜月移宮
才情偶爾成佳配
不道周南有

國風

千古對鏡寫真

千章畫史托鉛華
難寫春心半縷霞
兩面秋波隨彩筆
一奩冰影對鈿花
情憐曉月秦川雁
思逐朝陽漢樹鴉
不信雲間望夫石
解傳顏色到君家

天宮寺僧寅叔恭藏宋王元之詩因次韻

隔屋長松覆滿齋
童年竹馬記頻來
講堂經罷僧脩史
京國人歸袖惹埃
古佛歲深花蠹鐵
長

廡春淨雨生苔塵緣未結東林社禪榻留茶日
暮廻

贈呂生善製牋者

玉肌均膩粉初乾淡淡空青印碧欄曉日長楊
新賦就墨雲時度玉螭寒

其二

羅文緝緝染湘流中瑩晴空一段秋莫問殺青
千古事漆書應讓管城侯

出郭

步出東臯隔市塵青山高下欲迎人汀花有意
開何晚野草無名亦自春

昔人重過彭城

誰云河廣不容舸憑槩臨風渡晚潮却望彭城
舊遊處黃樓碑畔屋蕭蕭

訪劉道士

雲林深處翠微多石室春深長薜蘿當代衣冠
正高貴不須閒誦采薇歌

陶淵明歸去來圖

歷代詩選 元朱澤民 五
甲子題年玩物華門前栗里自桑麻從他晉史
書劉宋別有黃花處士家

過岳鄂王廟

汴宋南遷社稷憂忠魂應念國包羞錢塘千載
英雄恨古木殘陽掩暮秋

賡郭祥卿飲酒圖

昔人好酒名雖在死灰萬劫誰能全我今悼昔
復須飲翻恨不生中古前

附虞集跋

澤民文章典雅而理致甚明獨惜以畫事掩其
長然識者不厭其多能也自茲以往澤民當豐
于文而嗇于畫可也按公墓志以延祐末年遊
京師爲趙文敏所薦獲事仁英二宗弗偶掛冠
而歸時在朝康文獻子山虞文靖伯生袁文清
伯長諸名公輩挽之不聽至正十一年江淮雲
擾民多從賊公抗言于行省平章以安集爲念
凡擲兵來附者一切貸之錄是杭州廣德所在
民歸不數月而定攝守長興至則市無一人乃

歷代詩選 元朱澤民 卷之二十六
郊召父老告之以其故仍印號給其照身以識
乎別寇且曰汝所怖者官軍爾保此則官軍不
汝犯于是黎氓康集未竟月得戶萬四千八百
九十九復以病免歸年七十二卒初君之大母
施夫人病亟其大父秘書君卜窆于陽山之原
施夫人夜夢一衣冠偉丈夫告云勿奪吾宅吾
且爲夫人孫明日役者鑿地深可五尺得小石
碑刻曰太守陸君績之墓旁有小石刻曰此石
爛人來換石果斷矣秘書君隨命掩之而更卜

焉施夫人復夢偉衣冠者來謝曰吾真得爲夫
人孫矣是夜公生焉公仲子復吉字仲陽季子
中吉字季寧 國初爲翰林典籍給事等官家
藏有睢陽五老圖卽其九世祖會在宋朝議大
夫兵部郎中壽八十餘與杜祁公爲五老會者
也

石倉十二代詩選

元詩卷之二十六 終

百舍十二外清徽
武精卷之二十六

唐

夫其情中清八十
籍其外亦公滿此
會者

燕首却別正法國
情其止世疏會亦
未勝端大

中古字季富
因麻高
以與餘
車終官家

人蘇矣
外公主
語公
世
吉字
中
切
李
子

溫蘇夫人蘇
葛
郭
亦
佩
林
來
博
吉
真
郭
蘇
子



程

